

جيتك بمجمر دليلي والعشگ يلهب غليلي ليلي طوّل من عويلي ويويلي منّه
شايل بعيني حزنها وزفرتي بالهم أونها دمعتي تسگي جفنها يبو المحنه

تسگيني روحك وارتوي بعطشها وجثه أحس روعي ونست نعشها
مصلوب أظل ابعالم الخواطر وطفله تضيع بليلة أدهشها

ليت بحصيرة انجم وبصدري حافر ينطبع وتنسلب ثيابي
إحساسي ما حد يحمله بغربة بنات مدله يرتسم عذابي

ويا الحزن أتسامر بعين الدمع
بس أذكرن راح بحوافرهم ضلع

ظامي وبعينك تكابر تجرح بصبرك مشاعر تنزف بسيف المحن
نايم بصدرك رضيعك يرتوي نحره بنجيعك والدماء صارت كفن

انته ستر الله وتظل مسلوبه اثوابك وانته شمسه اللي انخسف ضيها من اغيابك
راسك انشوفه على راس الرمح دامي وتكّطر الشيبه البهيه بجمرة أصوابك

بس من تعلّى راسك بلرماح وازى السمه لمن صعد
بشيبك توضى عرش الله يحسين ولقبلة أعيونك سجد

وجثه بتراب ويا لحباب هذا لمصاب مثله فلا صار وجرى
بليا ارموس بحر لشموس فوگها تدوس خيل وصدرها تكسره

حزن ما .. ينوصف حزني مصابي .. جمره توجعني دموعي .. جرّحت جفني
أون كل .. ليلي ونهاري أبا ما .. تنظفي ناري جمر طو .. ل العمر واري

عالمح يا ابو الأيمه يسغي راسك نجمه نجمه في الليالي المدلهمه يضوي نوره
بغربتك كل المواسم حسره واحزان ومواتم وللوجع بانث علايم جثث عفيره

من غربه اظنونك بدت مواجع ليل وألم يتسربل الفجايع
شما يحمل ابكبي العشك أجي لك ويتروى نبضي بحسره وبمدامع

أذكر عطش روحك واحن وتتروى روحي من الحزن واسهر الليالي
خذي أعلى دلالك دوا وبمهجتك نسمة هوا يا سما المعالي

بماي الندى خلني أبل ارويحتك
يمكن تطيب وتنسى الهموم الـ ذبحتك

يمتد علينا اظلالك ونلتم حدر جلالك نلتم حدر فيّ العشك
بعيوني أحسب طولك مهما الظلام ينولك يمشر بخيل السحك

والله ياخذني الهضم واهجرها دنياتي وبس اذكرك بوعلي تتجلي غاياتي
كل كرامه بعمرى بس من أحبي عاشورك وبس أحسك تسكن بأنفاسي وأهاتي

يا راعي الجود والحكمه والزود ويمضيّف ابكلك سهم
عاشورك اليوم بلسم للهموم موسم كرامات وقيم

نلظم اصدور بموسم النور ومدمع يثور وتلمنا حكمة منبرك
نذكر الصار بليل ونهار والـ كلب نار وفي كل ألم نستشعرك

وطننا .. الـ نلتجي بفيه يـ كلب .. وكله حنيّه تجمعنا .. الحسينيه
يحضن .. الشيعه الدافي وينبع .. الرحمه الصافي تظل رغم .. الدهر وافي

بالله يا ذبّاح انشدك شيل عني سيف حقدك وادري ما واحد يردك همومي صعبه
خل أصلي ركعتيني كبل ما تقطع وتيني وكبل ما هالموت يجيني براضي غربه

ورايد اسلم عالغريب المغدور من على سطح القصر دمعي يثور
عندي بس طلبه أخيره وياريت يعذرني مهجة فاطمة عن لكصور

أرفع اجفوفي بالسلام والدمعه چن جنح الحمام تبعث الرسايل
الكوفه خانت يلولي لا لا تجي يابو علي وتجرع الهوايل

ما من معين ولا ناصر ولا من مجير
وحدي بكيت ما بين عدواني أسير

وحدي أگاسي الغربه صعبه شعظمها صعبه من تبگی عن گومك بعيد
وأنا أحاتي اضعونك من تلفي ويخونونك وبس الدمع عندي بريد

طالع اويك الأهل من ديره الـ ديره وینه وصّـل محملك مدري ييو الغيره
انقابت الكوفه بأهلها وخايف اتجيهها وخوفي وحدك تصبح وبس طرفك اتديره

خبّر حميده بنتي الوحيدة خبرها والداها انقتل
ضمها بحنانك وخلها بأمانك تدري الهجر بيها اشعمل

وحدي ظليت لا حمى وبيت وما تمنيت ألكى الخيانه بهالبلد
بين لحشود وحدي مفرود نار وجنود ودلالي بالحسره انمرد

حفيره .. بيها خلوني بحبلهم .. تالي جروني أبد ما .. لحظه رحموني
عليًا .. سلوا الصارم بلا غوث .. وبلا راحم مـ چني .. من بني هاشم